

Communicaziun a las medias BCG

Attracziuns artisticas al final dals GKB sportkids

Cuira, ils 12 da zercladur 2017 – La sonda passada ha gi lieu da fina bell'aura il final dals GKB sportkids a Maiavilla. Passa 400 uffants han prendì part al punct culminant da l'onn da trenament cun il motto «circus».

En il rom dal program polisportiv per la promoziun dal moviment [GKB sportkids](#) pon uffants en la vegliadetgna da tschintg e sis onns acquistar basas sportivas da bleras disciplinas ed emprender d'enconuscher novs geners da sport.

A chaschun dal final da quest onn han las atletas ed il atlets giuvenis absolvi ina seria da posts da moviment cun il motto «circus». L'entir percurs è stà accumpagnà d'istorgias d'uffants. En la rolla d'artists han ils pitschnins p.ex. stuì bittar vi e nà ballas, transportar bitgers d'aua sur differents obstachels e dumagnar autras sfidas sportivas. Sco fin culminanta è la societad da gimnastica Maiavilla sa preschentada cun ina show da gimnastica per terra spectaculara.

Sco partenaria e sponsura principala sustegna la Banca Chantunala Grischuna il program da promoziun che graubündenSPORT organisescha e realisescha. La finamira è da motivar uffants da tschintg e sis onns da far sport. Trenaments da basa multifars en differentas disciplinas dattan il fundament per lur svilup sportiv en l'avegnir. Ils trenaments d'emprova famigliariseschan ils uffants cun ils geners da sport da lur regiun. Per finir l'onn da trenament prendan tuts part al punct culminant dal program, il final dals GKB sportkids.

A partir d'immediat enfin la fin da zercladur 2017 pon ins s'annunziar per l'onn da trenament 2017/18 ([gkb-sportkids.ch](#)). Per uffants cun in impediment spiertal datti ils GKB sportkids special a Cuira ed a Rothenbrunnen.

Contact per ils collavuratur da medias:

Banca Chantunala Grischuna, Medias & Investor Relations, chascha postala, 7001 Cuira

Thomas Müller, thom.mueller@gkb.ch, telefon +41 81 256 83 11

Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

[gkb.ch/medien](#) | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per persunas privatas, l'economia ed il maun public. La banca occupa 1'015 collavuraturas e collavuratur (stadi dals 31-12-2016). En il chantun Grischun cun sias numerusas vals e pliras linguas, è l'interpresa represchentada cun 58 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il resultat annual preschenta ella cun ina summa da bilantscha da CHF 23,9 milliardas in gudogn dal concern da CHF 168,5 milliuns. Il scrit da participaziun BCG è quotà a la bursa dapi ils 10 da settember 1985.

Termins

Rendaquint semestrial 2017:	27 da fanadur 2017
Quint annual 2017:	9 da favrer 2018
Radunanza dals participants:	5 da matg 2018